

蔣介石最近言論集

蔣介石最近論文集

最近論文集

感言

五十生日之感言

——報國與思親——

中正半生憂患，革命報國之志未遂百一，而五十之年忽焉已至。慨自弱冠以前，革命從戎，即受國家教養，迄今三十餘年，凡吾所食所衣與夫一切生活所需，無一不仰給於國家。亦即無一非民衆之脂膏與汗血。中正蒙恩被澤，可謂深且厚矣。今茲又承吾海內外同胞男女老幼節衣縮食，購機見祝，精誠相感，勗勉備至，吾同胞策勵之力與期望之殷，蓋如此其甚，益使中正慚惶惴慄，不知將何以圖報也。更念往日明師之教益，同志之扶持，與夫袍澤之患難相共，犧牲相繼，往事歷歷如在目前，至

今我馬餘生，岫然視息，俯仰天地，誠又不知何以爲懷，其間影象最深刻，而不能一日忘者，則不肖孤露之身，自鞠育教誨以至於成年，胥唯母氏劬勞之賜爲獨多，迄今吾母之墓木已拱，而慈闈所望於藐孤以報國淑世不辱其先者，乃蹉跎而無所成就，黨國多艱，民生日瘁，復興之業前路方遙，維歲月之不居，媿天職之未盡，撫茲時序，尤爲旁皇悚息。爰述吾母夙昔保家教子之道，藉明孤苦成立之艱，且願以刻苦自強之義與吾同胞同志相共勉於報國之業焉。中正生長鄉僻，家僅溫飽，吾祖吾父數世耕讀，勤慎節儉，薄有資蓄，中正九歲喪父，一門孤寡，孑子無依，其時清政不綱，吏胥勢豪，夤緣爲虐，吾家門祚旣單，遂爲覬覦之的，欺凌脅逼，靡日而甯，嘗以田賦徵收強令供役，產業被奪，先疇不保，甚至構陷公庭，迫辱備至，鄉里旣無正論，戚族亦多旁觀，吾母子含憤茹痛，茶蘖之苦，不足以喻，當此之時，獨賴吾母本其仁慈，堅其苦節，毅然自任以保家育子之重，外而周旋豪強，保護稚弱，內而輯和族里，整飭戶庭，罔不躬親負荷，謹慎將事，其於中正撫愛之深，常如嬰孩，而督教之嚴，甚於師保，出入必檢其所攜，游息必詢其所往，罷讀歸來，必考其所學，而又課以灑掃應對之儀，教以刻苦自立之道，督令躬親傭保猥賤之工作，以勵其身心，夜寐夙興，無時不傾注其全力，期撫孤子於成立。中正幼性頑

鈍，弗受繩尺，又出身孤弱，動遭擠擠。及年稍長，立志出國，學習軍旅，鄰里譁異，輒相尼阻，其力排羣議，拮据籌維，以成其學者，吾母也。既聞革命大義，許身黨國，備歷艱危，戚族相戒，莫敢通問，其篤信不疑，多方委曲，以壯其行，刻苦持家，以堅其志者，吾母也。民國紀元中正始有以致菽水之養，而稍慰倚閭之望，然吾年於茲已荏苒二十有五矣。以軍閥竊國，主義未行，革命事業屢遭挫折，其剴切申戒，曷以勿餒勿輟貫澈始終者，又罔非吾母聖善之教也。溯自中正九歲以至廿五歲，吾母殆無日不困心衡慮於家難之連遭，及中正二十六歲以後，又常以亡命生活，勞吾母之顧念，吾母惟一秉自信之堅，以再造吾家爲惟一之責任。嘗語中正謂，吾以癯癯弱養，歷人世難堪之境，當其孤苦，曾不知何以自全，所確信而不疑者，則惟孤子之必須教養，方可有成，與吾家之必當有後，宜使之以努力自助，以毋墜家聲而已。又嘗謂艱危困厄，世所恆有，而自立自強，必當盡其在我，故家世愈艱而禮法不可不飭，門祚愈薄，而志氣不可不堅。孤寡弱小賴以自存，舍奮勉自立刻苦自強，更無他道。及中正矢志革命，吾母又常勉以大孝報國之義，謂追念吾家往昔，岌岌不保之苦狀，卽當推而廣之，俾人世無復有強暴凌乘之慘史，故口體之養，世俗之譽，非所以盡孝，男兒惟以身許國，乃爲無忝於所生。凡茲懿言，皆吾母

詔示中正所以立身處世之道，中正雖勉思繼述，而迄今猶無以慰吾母九原之望。每憶昔日寡母孤兒，形影相依之情景，彌覺罔極深恩之圖報無日也。中正既蒙國恩，彌懷母教，輒自檢討其五十以前之人生，究爲如何之身世，則不能不認前二十五歲乃爲茹蘗含辛，遭逢家難，零丁孤苦，困知勉行之身世。後二十五歲乃爲承負國難，顛沛困厄，動心忍性之身世。艱難歲月，逝者如斯，更不知以後是否再有二十五歲之身世。而此後之二十五歲，究不知其身世果爲如何也？由剝而復，事在人爲，察往知來，理有可信，是以中正於此不能不爲吾同胞同志進而闡論國家民族所以自立之道。先哲有言：「國肇於家，」故家庭興廢之理，可通於國，國之盛衰靡常，正猶家之興廢無定，其或不勝摧折，而終於敗亡，或蹶然興起，以自致富強，則悉視其國民之覺悟及努力與否以爲斷。中外古今，事無二致，而近百年間新興諸邦艱苦復興之史蹟，尤足爲吾人今日之楷模。天下無不勞而倖得之收穫，亦無徒勞而不獲之耕耘，唯貴以一致之精誠，出以持續之努力，則任何艱危無不可以突破之理，以中正所躬自體驗者言，吾家當中正幼時，孤弱艱危，可云至矣，然而豪強之侵逼能陷吾母子於困厄，而不能挫吾母保家教子之志節，亦不能阻吾家自求多福之途徑，則知天下事安危禍福固非自致，而轉弱爲

強，必資自力明矣。吾國自十四年國父孫先生崩殂以後，內外交迫，禍亂相乘，始則赤燄蔽天，黨國屢危，繼則外侮頻仍，東北淪陷，其間疑懼交作，謗譟叢生，民命國脈，朝不保夕者，蓋十有餘年矣。其情勢之危急淒厲，實較中正九歲喪父時童昏無知，孤寡失倚者爲尤甚。然中正猶以爲一時之艱危不足憂，公理之消沉不足懼，國力之薄弱亦不足患，而存亡興廢所繫，惟問吾國民有無勵精知恥刻苦自強之決心，苟吾同胞皆能以孤寡再造衰宗之志，戮力報國，而國家之轉危爲安，必可計日以待，而吾全國諸姑姊妹咸能致力於持家教子，知禮明義，則於國家民族富強康樂之關係爲尤大也。以中正個人之身世而論，自孤幼以致今日，其獲益於賢母之家教與良妻之內助者，殊非淺鮮。苟吾全國二萬萬女同胞，皆能知吾寡母之保家教子，使爲人子者，皆能保衛其國，豈有不能致華夏於復興之理。蓋無論國家與個人，所以競立於斯世，其道不外乎自立自助與自強。唯自立乃有以自存，惟自助始可得人助，而國家當衰微危弱之際，爲國民者尤當察所處環境之險惡，明自身地位之孤弱，勿偏於強暴以餒其氣，勿狃於急效而亂其心，是與刻苦自強之義，更爲復興建國之要圖，所當無間，始終一以精誠貫徹之者也。唯吾先民之教，以孝爲先，總理嘗語吾人，以中國立國自有其道，不可徒效外

國皮毛，更不可抄襲帝國主義者之霸道。「忠孝仁愛信義和平」八德，爲吾中華立國固有之精神與道德，而孝道尤爲總理遺教所特重。可知中國立國之道，自來皆以孝爲本，唯孝莫大於尊親，其次曰不辱。所謂尊親，謂當發揚光大吾祖先黃帝之遺緒；所謂不辱，謂當勿貽吾父母以隕越之羞。以我民族歷史文化之久遠，我不自亡，人孰得而亡我？誠使我同胞人人有「恥不若人」之覺悟，而所夕惕勵於雪恥圖強之一念，饑而不食，金石可鏤，則不辱之義，庶乎得之。中正俯仰國家，深愧職責未盡，既無以副國民殷殷之望，亦有負我寡母閔斯鬻子之勤，復何敢自信其能勝吾寡母平生保家養子者之重任，勉盡中正今日報國之天職于萬一。然而撫時感事，推小及大，所祈望於吾全國同胞以孤苦自居，以精誠自勵，共同一致，奮勉自強，以保我民族歷史於千秋萬世者，其意彌摯，而所望彌切，唯報國家之願一日不達，卽鮮民之痛一日不得而紓，是用不辭顛隳，質述此一日間之所感，用彰已往蹉跎之過，而期補贖於來茲。吾海內外全體同胞，倘不以吾言爲謬，曉然於家國興亡之道，以艱勉提挈，共同致力於報國根本之途，此則中正之所大願，亦卽所以期報國家民族與吾全體同胞於萬一者也。

歷年論文集

論著

出師的意義

此次國民革命軍出師北伐，本黨特發宣言，對於出師的意義，說得十分透澈。中正受黨的付託，以黨之意志爲意志，似不必再有陳述；但怎樣重大的工作，實在有『日聚國人而申做之』的必要，出師的意義認識得愈清楚，則出師的責任擔負得愈踴躍，我希望每時每地都有同志解釋北伐的意義，不敢藏拙，請自隗始。

先大元帥於民國十三年九月出師北伐之際，曾明白宣告：『此戰之目的，不僅在覆滅曹吳，尤在曹吳覆滅之後，永無同樣繼起之人，以繼續反革命之惡勢力；換言之，此戰之目的，不僅在推倒軍閥，尤在推倒軍閥所賴以生存之帝國主義。』此爲先大元帥出師北伐之意義，亦即中正今日受命北伐之意義。軍閥與帝國主義一日不能打倒，革命軍北伐的責任一日不能終了。而且帝

